

Oqaluuserisassanut nassuiaat

(Inatsisartut Siulittaasuat)

Siulittaasoqarfiup aalajangerpaa immikkoortut ulluni oqaluuserineqarfissamittut pilersaarutigineqartuni naammassillugit suliarineqanngitsut 2026-mi upernaakkut ataatsimiinnermut kinguartinneqartassasut, immikkoortut ataatsimiititalianut innersuunneqartut ataatsimiititalianit naammassillugit suliarineqarsinnaanissaat qularnaarniarlugu.

Immikkoortut 61 aamma 169 suliarinissaat taamaalillunik ulloq 22. oktober angumerineqanngitsoorput 2026-imilu upernaakkut ataatsimiinnermi suliarineqartussanngorlugit kinguartinneqarlutik.

Immikkoortup 61-ip qulequtaraa:

Siunissami pisariaqartitsinerup qulakkeerneqarnissaa siunertaralugu Ilisimatusarfimmi ilinniarfeqarfiup illutaatalu annertusineqarneranni aningaasaqarnikkut allaffissornikkullu kingunerisassat misissorneqarnerannik imaqartumik nassuiaasiornissamik Naalakkersuisut peqquneqarnissaannik Inatsisartut aalajangiiffigisassaattut siunnersuut. Nassuiaammut atatillugu sukumiisumik misissorneqassaaq, danskit nunanilu allani aningaasaateqarfiit assigisaallu aningaasalersorneranut akuutinneqarsinnaanersut. Nassuiaat Inatsisartunut agguanneqassaaq 1. januar 2027 nallertinnagu.

Inatsisartunut ilaasortaq Jørgen Rosbach, Demokraatit

Immikkoortup 169-ip qulequtaraa:

Naartunermi, erninermi meeravissiaartaarnermilu sulinngiffeqartarneq pillugu anaanaasut tamarmik sapaatip akunneranut akunnernik 40-nik erninerminnik, sapaatit akunnerini 19-ini, siornatigut suliffigisimasaq apeqqutaatinnagu ullormusiaqarnissaasa pisinnaatitaaffigilernissaannut, Inatsisartut inatsisaasa allanngortinnissaanut Naalakkersuisut peqquneqarnissaannik Inatsisartut aalajangiiffigisassaattut siunnersuut.

Inatsisartunut ilaasortaq Jens NapätôK', Naleraq

Uku akornanni taasisarnerit pillugit isumaqatigiissuteqartoqarpoq:

Gerth Mikaelson, Naleraq aamma Per Berthelsen, Demokraatit.

Pele Broberg, Naleraq aamma Jørgen Rosbach, Demokraatit.